

民國上海縣志

鈕永建署



卷一	疆域	川流
卷二	田賦	紀年
目錄	例言	題名
序		
政治		
下上		

丙子仲春

民國上海縣志

黃蘊深題



序

上海置縣始於元析於華亭設治吳淞黃浦之交襟江憑海爲吳越衝要劇邑迨中外通商輪軌輻輳工商坌集益號繁縟其疆域變遷風土習尚文物制度明清前民歷有志記凡所纂修雖多散佚同治志尙襲載纂詳民國初肇邑人士復有上海縣續志之纂結束遜清一代興廢故實而民國成立以來政教遄遞差無編紀十四年乃議設局董理徵采編輯聘耆宿姚君子讓主纂祇以世故紛紜往事遺徵搜羅匪易撰稿垂成姚氏復歸道山筆絕麟書未遑成帙余於二十二年秋奉調來滬慮一邑文獻淹久墜闕亟謀葺事得在事諸君子纘姚氏之緒輯其存稿補其未竟溯自民國元年訖於民國十七年訂爲民國縣志眎已往之因革鑑得失於輶軒後之尋求治理者庶乎資所借鏡豈徒徵文

上海縣志

序

考事而已十七年後則爲縣市畫治之始疆域分割過半地理形勢財賦生產迥非故吾遷治鄉鄙農村是隸昔之所謂衝劇繁縟者已歸淳樸之境昔之工商複沓者將唯治本是圖實吾邑歷史環境一大改易亦乘志體例一自然階段所有始末當別爲敘述茲以編纂告成將付剞劂囑序於余爰誌概略弁諸簡端

中華民國二十四年六月上海縣縣長海甯潘忠甲謹序

序

民國七年上海縣續志行世十三年九月縣議事會又議修民國縣志起元年訖十二年明年一月總纂姚恭靖先生編定目錄分授纂員閱二年草稿勸具會革命軍至特別市成立十七年七月與縣劃分區域志遂停頓二十年七月議定展長限斷五年有半上以銜接續志下以引起市志而十九市鄉二百二十有四圖之全局完全結束矣吾邑志乘權輿顧氏<sup>咳</sup>自明弘治至清同治八次修輯續志廣續同治志本志又續續志其體例雖有變更而分門各纂則一也昔范石湖著吳郡志竭一人之心思才力以成一家之言故脈絡貫通意義周匝論者推爲方志之善本後王文恪因吳寬之舊藁與祝允明文徵明杜啓蔡羽諸耆碩作姑蘇志在明人地志中最爲古雅然整密完善不及范書夫以

上海縣志

序

一

文恪諸賢之才學猶不能媲美石湖豈古今人不相及耶蓋人之學問有深淺識解有精疏文藝有高下所謂物之不齊物之情也強不齊者以使之齊勢不能融合無間一節之玷累及全書此蓋分門各纂之流弊也吾邑李農部纂嘉慶志陸慶循作修例以訾之俞大史纂同治志先君子作札記以繩之續志初成恭靖舉其闕誤識之眉端余纂南漚續志近自檢校已覺其先後牴牾事實乖舛不足以信今而傳後嗚呼文章千古事得失寸心知於以信衆人合撰之不若一人獨撰之精且密焉况此十七年中時勢之變遷運會之升降政令之因革外交之利鈍人才之消長物力之盛衰風俗人心之變幻日異月新歲不同後有君子旁搜博采薈萃成書與石湖名著並垂不朽則本志之成僅足供後賢之采擇其存其亡嘉慶以上諸志固有先例也恭靖晚年多病不

能治事余亦衰老憚於檢閱今之屬比成書皆潤書黃君之力也附識  
於此以謔讀者

中華民國二十四年四月秦錫田序

上海縣志

序

三

民國上海縣志題名

縣行行政官

任期滿三月以上者列名

吳馨

字懷久

洪錫範

字伯言

沈寶昌

字醞石

李祖夔

以字行

張思永

字受之

危道豐

字芑濱

徐韋曼

字寬甫

邵樹華

字季實

江家瑁

字眉仲

纂修員

姚文枏

字子讓

主纂全書

疆域川流田賦紀年四略纂修員

訪稿二萬言以上

秦錫田

字硯畦

總閱全書

政治財用交通三門纂修員

訪稿二萬言以上

黃宗麟

字蘊深

全書修定員

黃藝錫

字潤書

全書修定員暨督刊員

葉景澧

字體文

人物門纂修員

上海縣志

題名

王燮功

字慕詰

農工商務慈善工程四門纂修員

李味青

原名維清字右之

教育防衛二門纂修員

籌備修志主任 修志局事務主任

賈豐芸

字粟香 訪稿二萬言以上

教育商務列女名位人瑞五門纂修員

楊逸

字東山 訪稿九千言以上

藝術游廬二門纂修員

錢允中

字紳齋 訪稿八千言以上

慈善門纂修員

吳中弼

字覺迷

外交門纂修員

葉鴻績

字慕橘

外交門分修員

胡人鳳

字笠夫

工程門分修員

胡祥翰

字寄凡

工程門分修員

朱贊

字伯華

教育門分修員

李宗鄴

字頌唐

教育門分修員

曹棟 字幹臣 教育門分修員

劉榮照 字映藜 萬商列女名人瑞分修員

討論員

李鍾珏 字平書

莫錫綸 字子經

劉增祥 字子瑜

陸文麓 字崧侯

錢椒 字蔭庭

李祖佑 字蕉軒

朱日宣 字福田

李鴻翥 字遜先

談壽基 字恭甫

沈周 字步瀛

穆湘瑤 字恕再

周文熾 字采臣

潘良士 字伯賢

姚才 字叔達

秦錫祺 字壽農

施舍 字養勇

鄭毅 字果齋

王棟 字彬彥

採訪員

陳師咸 字筑聲

訪稿三萬言以上

上海縣志

題名

范本崇 字應生

訪稿三萬言以上

諸斗星 以字行

訪稿二萬言以上

何謙 字半遊

訪稿一萬言以上

張友棠 字啓南

訪稿一萬言以上

馬恩培 字柳江

訪稿一萬言以上

楊春膏 字撲煙

唐錫瑞 字子衡 訪稿均九千言以上

潘紫綬 字曼聲

訪稿八千言以上

陳珍 字友儒

楊勤立 字鵠儀 訪稿均六千言以上

王文苑 字萬初

顧祥和 字翁周 奚望 字秉鈞 訪稿均五千言以上

吉增彰 字卓民

張翼 字鳳山 訪稿均五千言以上

曹浩 字瀚亭

訪稿四千言以上

周 澂 字立誠 曹九思 字秉誠 唐祖鎰 字璞莊

周增禧 字鴻機 潘鴻鼎 以字行 訪稿均三 千言以上

彭召棠 字蔭喬 張同登 字步瀛 鈕永亮 字庾新

朱禮儉 字意誠 王樹功 字稚眉 陳德清 字鏡如

干思頤 字養君 沈宏鼎 字丹忱 朱孔長 字一槎

梅 言 字簡生 王南坤 字立賢 丁 烈 字子裘

奚佐湯 字真杰 王瑞年 字灝仁 周 競 字雁汀

周長榮 字華欽 張友威 訪稿均二 千言以上

馮文蔚 字似喬 王汝舟 字濟川 胡方鶚 字方鶴

潘如樑 字友梅 孫夔龍 字鳳池 錢福田 字廣甫

倪奮揆 字斌治 沈葆義 字夢蓮 黃嘉修 字五雲

# 上海縣志

## 題名

龔 燧 字祥林 何毓桂 字林發 楊嘉椿 字聘漁

高壽田 字硯耘 王沛霖 字星泉 趙磐石

嚴汝熙 字瑞臣 葛恩元 字虞臣 陳時夏 字梅生

丁光弼 字夢松 何維則 字晴梅 王銓運 字際亨

楊心才 字濟時 陸 鑫 字虎丞 沈文彬 字杏苑

陸志學 字文甫 徐承宗 字梅卿 范本鎔 字玉生

李然昌 字綺城 趙光第 字鏡芙 顧夢熊 字渭川

潘昂雲 字祖英 徐行敏 字訥甫 伊立勳 字峻齋

瞿 鉞 字紹伊 朱 炎 字炎之 王 暉 字吉甫

張企文 莊調六 潘光啓

佛羅克 法國人徐滙 訪稿均一 天文臺主 千字以上

事務員

唐頤壽 字養儒 文牘員

王平章 字劍知 收掌員

徐榮 字文孫 書記員

徐元勳 字立人 庶務員

岳啓明 字啞僧

撒祖華 字伯清

閆艾 字潤民

王本忠 字步岳

毛恆遇 字吉生

陸嗣賢 字慕軍 全書校刊員  
均暫任書記員

吳俊 字進誠 全書校刊員

## 民國上海縣志例言

一是志起民國元年訖民國十七年自元年至十二年悉依姚氏文枌編纂成稿市縣分治始於民國十八年故自十三年至十七年中間五年仍係舊時區域惟時勢變易諮訪殊難各市鄉區因革事實均係臨時采輯而成疏舛闕漏知所不免閱者諒之

一邑志首重圖繪是志起訖僅十餘年疆域形勢略無變更姑從缺略

一各志體例詳略不同是志篇目一依姚氏成稿之舊間有增損經李氏味青斟酌參訂務合事實不計成例其疆域川流田賦紀年四篇經姚氏手訂成稿一仍其舊惟紀年新增至十七年止

一人物上篇悉依舊有成稿下篇係由見聞所及陸續補入或有采

## 上海縣志

例言

訪未周事實失當之處以付印期迫未暇一一覈正別列下篇以清界限

一列女年代事實原稿均敘至十二年止其後陸續補入有敘至十七年者均於篇中注明之

一是志刊印需費不貲承嚴味蓮先生捐助壹千伍百元郁葆青先生捐助壹百伍拾元嚴陵舊隱捐助壹百元張益君張益甫兩先生合捐壹百元謹依同治志例刊列銜名以誌高誼

民國上海縣志目錄

卷一

疆域

川流

田賦

紀年

卷二

政治上

官治 (一) 行政官 (二) 司法官 (三) 駐縣高級統治官 (四)

中央任命駐縣官

政治下

上海縣志

目錄

一

民治 (一) 縣自治 (二) 市自治 (三) 鄉自治 (四) 清丈局

(五) 公款公產管理處 (六) 名蹟 古蹟 第宅園林 金石  
坊表 宗祠 冢墓

卷三

財用

負擔 (一) 地畝 臨時稅 (二) 貨物 貨物稅 (三) 行爲 契稅 牙稅 官

告稅 印  
花稅

款產 (一) 備荒款產 (二) 教育款產 (三) 慈善款產 (四)

縣款產 (五) 市鄉款產

捐稅 (一) 縣捐稅 (二) 市鄉捐稅 (三) 教育捐 (四) 慈善

捐 (五) 其他特捐

度支 (一) 縣收入 (二) 縣支出 (三) 縣教育支出 (四) 市

鄉收支（五）市政廳收支（六）工巡捐局收支（七）市鄉  
收入（八）市鄉教育收入（九）市鄉教育支出（十）市鄉  
其他支出

### 卷四

#### 農工

農業建設（一）農會（二）農場苗圃  
農工（一）農產（二）漁牧（三）工作品

### 卷五

#### 商務上

商業建設（一）商會  
商事公斷處 公證委員會 商品陳列所  
商業圖書館 商業補習學校  
（二）縣商會  
閔行商會 公棧 巴拿馬出品協會分會  
（三）交易所

## 上海縣志

### 目錄

二

### 卷六

#### 商務下

商業團體  
金融機關（一）銀行（二）錢莊（三）信託公司（四）中外  
儲蓄會（五）官銀號及銀公司（六）附屬事業

### 卷七

#### 教育

教育行政（一）縣教育局（二）教育團體（三）社會教育

### 卷八

#### 教育

#### 宗教

祀典

卷九

教育

學校上

學校下

卷十

慈善

慈善團

善堂

醫院

救火會

上海縣志

目錄

三

卷十一

工程

河工

塘工

道路

橋梁

碼頭

津渡

水電

特別工程

卷十二

交通

航

軌

郵

電

航空

卷十三

防衛

軍隊

警察

地方警察

上海縣志

目錄

四

地方自衛

卷十四

外交

租界沿革

租界法權

卷十五

人物上

人物下

卷十六

藝術

卷十七

游寓

卷十八

列女上

列女下

卷十九

名位

卷二十

人瑞

上海縣志

目錄

五

民國上海縣志卷一

疆域

上海立縣在元至元二十九年未立縣之先為華亭東境之上海鎮華亭唐天寶年縣其先為崑山南境崑山故婁地婁者秦縣梁省入信義旋又析以為崑山也

華亭十三鄉五十保

風涇三胥浦三仙山二雲間四白沙三長人六高昌九北亭四華亭三集賢三修竹三新江三海隅四

上海得五鄉

長高

北新

二十六保明嘉靖萬歷間置青浦割三鄉

北新

十一保

內兩保改隸嘉定

清雍

正二年析三保又兩半保以置南匯嘉慶十一年析半保隸川沙今所存者高昌鄉之八保又一半保長人鄉之一保又兩半保而已一保者十八也兩半保者十六與二十一也一半保者二十二也八保者二十三至三十也各保分領各圖共二百一十七

上海縣志

卷一

一

縣歷元明清三朝皆隸松江府民國廢府而上海為江蘇省六十一縣

之一

設道尹時為滬海道十二縣之首

縣境極北赤道北三十一度十八分五十四秒極南赤道北三十度五十八分三十五秒極西京師偏東四度四十七分四秒極東京師偏東五度十一分十一秒地形斜長東則北盈而南腴西則南北盈而中腴接壤之縣東為川沙東南及南為南匯西為松江

舊華亭縣

西北為青浦為嘉定北為寶山

縣治在二十五保南境赤北三十一度十三分四十秒京東五度一分五十秒世界經度

倫敦天文合為中綫

東一百二十一度二十九分十六秒明嘉靖

中築城民國廢

縣境區畫自咸豐至民國經四次規定表如左

三林塘 南	陳家行 南	塘灣 西南	閔行 西南	中渡橋 <small>後改西南 顛橋</small>	馬橋 <small>分橋北初 局二後馬稱</small> 西南	北橋 <small>北初馬稱</small> 西南	曹行 西	漕河涇 西	法華 西北	虹稿 西	諸翟 西北	江橋 西北	新涇 西北	引翔港 東北	江境廟 西	新閘 <small>二十七保北境 光緒初猶隸法 華局後分出</small>	城總局 <small>城廂分十六段 城北已為租界</small>	團練設局 第十年
三林 東南	陳行 東南	塘灣 南	閔行 西南	顛橋 西南	馬橋 西南	北橋 西南	曹行 南	漕河涇 南	法華 西	虹稿 西	諸翟 西	江橋 西	新涇 西	引翔 北	江境廟 南	新閘 北	老城廂 <small>分九區為七聯 區之一</small>	學區 光緒三十二年
三林鄉	陳行鄉	塘灣鄉	閔行鄉	顛橋鄉	馬橋鄉	北橋鄉	曹行鄉	漕河涇鄉	法華鄉	合四區為鎮自治 區域曰蒲淞鎮			引翔鄉	合四區為城 自治區域			部章 城鎮鄉自治	
三林鄉	陳行鄉	塘灣鄉	閔行鄉	顛橋鄉	馬橋鄉	北橋鄉	曹行鄉	漕河涇鄉	法華鄉	蒲淞市			引翔鄉	上海市 閘北市 <small>仍城自治區域 之舊但新開老 閘二區北境在 積界北與南在 隔絕故別為市</small>			省章 市鄉自治	
二十四保 十	二十一保 七	二十八保 一 六二	二十六保 一 三四	十八保 五	十八保 十	十八保 八	二十八保 六 二七	四十九保 一九	二十八保 六	九保 十八 三四	三十保 七	二十七保 十八 四一二	二十九保 十八 一三四	二十三保 十三 一十四	二十七保 五 一五三	二十五保 八 一	二十五保 十二	保圖

上海縣志

卷一

二

楊思橋	南	楊思	東南	楊思鄉	楊思鄉	二十四保	九
塘橋	東北	塘橋	東	合四區爲鎮自治 區域曰東涇鎮	塘橋鄉	二十四保	八
洋涇	東北	洋涇	東		洋涇市	二十三 四保	十一
陸行	東	陸行	東		陸行鄉	二十二保	十
高行	東	高行	東		高行鄉	二十二保	十三
初設鄉局二十分隸六路以 統於城總局後增設一局凡 城鄉二十三局		凡二十四區其二十三區分 隸六鄉聯區合城廂爲七聯 區		凡城一鎮二鄉十二合計自 治區十有五	凡市四鄉十有五至今稱十 九市鄉	共二百 一十七 圖	

道光中結英美法三國條約上海爲通商五口之一先後議劃租界光緒而後復有展拓表如左

劃界時代	國別沿革	地方區域
道光二十八年兩次	今爲公共	老閘區之南半部
英	同治二年合并美界始 稱公共今稱中區	

上海縣志		卷一		三	
道光二十八年	美	今爲公共	同治二年合并英界始 稱公共今稱北區	老閘區之北半部	
道光二十九年 咸豐十一年兩次	法			城北區 <small>爲城廂九區之一</small>	
光緒二十四年	各國公共	今稱東區		引翔區之南境	
光緒二十六年	各國公共	今稱西區		新閘區之中間一大部分 新閘區之東南隅一小部分	
同上	法			分	
民國	法			新閘區之南境 江境	

川流

縣境巨川西來巨縣之北境者曰吳淞江西南來環縣境之南及東南而貫縣之東境者曰黃浦二川合流東北入海曰吳淞口  
(口之兩岸皆寶山境)  
浦西水道浦淞南北通流者曰橫瀝曰竹岡截浦南北者曰沙岡  
三水皆南抵海

塘  
淞潮南注者曰新涇曰李澗涇皆在橫瀝東浦潮西注者曰蒲匯塘東接肇嘉浜統稱蒲

肇河今肇浜入浦處已填塞分流入浦者曰龍華港曰日赤港曰漕河涇

曰張家塘曰春申塘曰六磊塘曰俞塘直達松城

浦東水道淞浦海潮南注者曰鹹塘曰都台浦口曰東溝曰馬家浜口曰西溝浦潮

東注者曰華漕澆曰白蓮涇曰楊淄漚曰三林塘曰周浦塘

淞北水道淞浦海潮西注者曰虬江此水為上寶分界虬江者舊江也蓋吳淞故道

（其別支曰引翔

港曰楊樹浦曰虹口港）

濬治工役以傍河農田受益各圖計畝起夫業食佃力其負擔重輕以遠近為差有頂浚有協浚有貼車壩費對於隣境有伴徭有還役皆稽

成案行之成案除見後註外有咸豐九年之漕河涇光緒十六年之橫瀝南段

浦西水道聯帶松青康熙五十九年道光十六年均有蒲肇河案雍正元年有輪浚六磊等十一河條議勒石光緒九年有華涇港案浦東水道

聯帶川南嘉慶二十二年道光十六年光緒三十一年三十三年均有都台浦馬家浜華漕澆各案咸豐九年同治七年均有鹹塘等案同治十三年有楊淄漚三林塘案勒石淞北

# 上海縣志

卷一

四

水道聯帶嘉寶其工役亦皆聯帶負擔

吳淞江以太湖入海正幹由沿江八縣通力負擔道光七年原案十一州縣即今之八縣因江震崑新太鎮六州

縣今并為三縣黃浦以國際商港由國家負擔光緒三十一年奏案

田賦

明隆慶三年丈田均糧所定科則如左

（甲）田之科則（一）每畝正糧二斗五合（二）每畝加耗上鄉

九升中鄉六升下鄉三升護塘外不加耗合正耗曰平米故有二

斗九升五合則田二斗三升五合則田二斗五合則田各名稱分

浦後上海無中鄉田（三）低薄田一畝四分準熟田一畝

（乙）蕩漚之科則（一）每畝無耗平米得業蕩一斗五升柴蕩一

斗草蕩水漚皆五升（二）以得業蕩二畝柴蕩三畝草蕩水漚

六畝各準熟田一畝統稱三斗則不等田

(丙)熟田低薄田不等田通用之準折科則 傍浦留步田一畝五分準腹內田一畝

額科平米法定每石強半征銀謂之折色弱半征米謂之本色萬歷十四年二十八保二十九保三十保呈奉題准仿嘉定例全改折征於是本縣有折糧田征糧田之分 隆慶清丈後續告改折者折價每石五錢四錢五分四錢不等吾邑三保初折四錢至十七年始定一例五錢

城濠官地明代免科清順治十四年撥兵承種每畝五升陞糧每六畝準熟田一畝 亦當為三斗則 康熙二年奉文另行征解

同治三年減漕定案於是本縣征糧田有原科平米減科平米之分而閔行顛北馬橋等處最為瘠薄田再照新科優減十分之七厘七絲有奇陳行等處瘠薄稍次田再照新科優減十分之六厘五毫高行陸行

# 上海縣志

卷一

五

等處瘠薄再次田再照新科優減十分之六厘於是上鄉分為四則 原科

二斗九升五合則減為二斗三升三合五勺零則優減為二斗一升九合五勺零則又二斗一升八合三勺零則又二斗一升七合零則 下鄉分為二則 原科二斗三升

斗三合零則優減為一斗九升一合零則 護塘外仍一則 原科二斗五合則減為一斗七升八合三勺零則 蕩漚不等田 原科三斗則減為二斗三升七合五勺 仍上鄉下鄉護塘外各為一則城濠官地 原科五升則減為三升九合零則 仍另為一則共征糧及城濠租一十一則合之折糧四則 田上鄉一則蕩漚上鄉下鄉護塘外各為一則 共一十

五則

減科平米每石征數(甲)本色米四斗二合三勺九抄零 閩加六勺七抄零減漕糧改折灰石

等八勺一抄零 (乙)漕贈五米 順治十一年案 一升五合五勺三抄零 閩減四抄零

征糧原科平米每石征數(甲)折色銀二錢七分九厘五毫三絲零 閩加

并改折灰石一厘八毫六絲零 (乙)漕贈十銀 五米同案 三分五厘一毫六絲零 閩減八絲零 折糧平米每石征數折色銀四錢八厘一毫七絲零 閩無加減

不論征糧折糧每畝征數(甲)九厘地畝銀

萬歷邊餉四十六年畝加三厘五毫四十八年又加五厘五毫合為九厘順治

二年罷四年復雍正三年減

六厘一忽零(乙)徭里銀

萬歷年加派均徭銀一萬三千五百餘兩里甲均平銀三千七百餘兩

八厘七毫

六絲五忽零

閏加一毫二絲六忽零

(丙)人丁銀

雍正六年始隨田征收優免一百八十三丁每丁一分七厘八毫四絲二忽零兩共七百七十二兩二錢二分五厘九絲閏

一分七厘八毫四絲二忽零兩共七百七十二兩二錢二分五厘九絲閏加一十七兩七錢七分一厘據康熙五十一年丁冊以後孳生永不加賦

一厘一毫二絲六忽

零

閏加二絲五忽零

(丁)雜辦銀

雍正七年始歸田地攤征計正耗共一百一十兩二錢七分五厘一毫五絲三忽零

城濠地不派九厘地畝銀及徭里銀其他征數亦與草蕩水漚準折田異微

不論每石折征每畝派征每征正銀一兩加耗五分

雍正六年耗羨歸公案加一納耗乾隆元年減五分

本色米於秋收後征收由水道運京故稱為漕米折色銀定制仲春開征仲夏農忙停征仲秋接征停忙以前征半謂之上忙以後征半謂之下忙故亦統稱為忙銀

# 上海縣志

卷一

六

各則田銀米每畝征數表如左

一十五則今用簡稱於征糧田以甲乙丙丁為上鄉四則之代字戊己為下鄉二則之代字庚為護塘外一則之代字辛為不等田三則并為一則之代字於折糧田以壬為上鄉田一則之代字癸為不等田三則并為一則之代字城濠則稱另則

科	則	米數	銀數
		<small>徵串數勺為止閏減數每畝不及半勺故從略</small>	<small>徵串數厘為止閏加數每畝至多八毫故從略</small>
甲	二二三三五零	九七六二	一一四三零
乙	二一九五零	九一七六零	一一四三零
丙	二二八三零	九一二七零	一一四三零
丁	二二七零	九七九	一一四三零
戊	二二三零	八四九五零	九四五零
己	一九一零	七九八五強	九四五零
庚	一七八三零	七四五四弱	八四六弱
辛	二三七五零	九九二七零	一一六弱
壬	二九五正	、	一四三二強
癸	三正	、	一四五四零
另	三九零	九一七一	一一五強

在右列各則之外者一曰蘆課

每畝課銀熟田一錢五分一厘次熟田一錢上密蘆地五分次密蘆地三分上草灘二分上稀蘆地一分六厘下稀蘆地

一分五厘白塗一分三厘莎草灘一分水窪五厘凡十則（以下亦用十天干爲省稱）其緣起係清初沒收明開國勳產查丈長江蘆洲由濱江而遠及蘇松云

一曰學田租

租則無攷其緣

起係官民捐助以爲學中公費載在會典免科

一曰贍運屯田

分民佃屯田津運屯田兩種民佃每畝折租銀五錢五分八厘津運每畝征津貼銀二錢貼造銀三分其緣起係衛所軍

田收歸州縣經收者

向來民間通用錢文銀米折錢官吏有抬價浮收之弊同治四年部章整頓隨時奏定折價而弊始清其後民間通用銀圓以銀圓折合錢價官民又多爭議民國臨時省議會議決銀米折價用圓不用錢而爭始息

辛亥十月議決銀每兩折價一元五角米每石折價三圓附加稅每兩三角每石一圓皆縣三市鄉七分配民國三年起省令加省稅每兩三角每石一圓六年起每兩省稅三角減爲二角五分於是每兩共征二

## 上海縣志

卷一

七

圓五分每石共征五圓至今弗改

同治四年部章漕米每石折價年內以四千五百文爲率年外以五千文爲率此爲年外加價五百文之始辛亥十月議決啓征日起兩月內未完者加二十分之一忙漕一律民國二年冬漕起省令部准改爲加十分之一五年議決正其名爲滯納罰金初限兩月限外加二十分之一續限兩月限外加十分之一六年上忙起實行

初議一半解省一半歸市鄉公用後改全數解省旋復舊

三年部議征收費於正額外附收於是每完納折價一圓加費五分

十年減賦案專減米額於是甲辛兩則減爲每畝九升五合乙丙丁三則減爲每畝九升

學田一頃七十畝三厘七毫共征銀四十二兩六錢七分九厘民佃屯田一十八頃六十畝七分六厘四毫共征銀一千三十八兩三錢四厘

三毫津運屯田五十二頃二十四畝四厘共征銀一千二百一兩五錢三分此皆固定之額至各則準熟田及蘆田坍漲升除歷年不一據宣統三年冊籍各則準熟田六千八百七頃一十一畝二分二厘三毫內甲

二四五五 三·八七二七零乙 二八七 九·九九八 丙 六三六 八·二二七 丁一四二一  
 一·七 六 戊 八七·八一六六已 四七六三八·三 七 庚 一五五·八四  
 一六辛 一 八三·九三四一壬二五二六七·六八七  
 七癸 五二七·六五二二另 一六·二七八九 共征米四萬九千二百二十九石八斗三升八勺 閏減二十一石一斗一升四合四勺 銀 正耗 八萬一千四百九兩四錢一分二厘 有田外額征之漁課五十一兩二錢八分七厘門攤鋪鈔八十兩七錢一分七厘在內閏加四百六十六兩五錢九分四厘 蘆洲一百四十三頃一畝八厘三毫 內甲一九三二七八乙四二五四五六 丙二二七九二 丁 七七七四四 六戊 二五二六五九已 一 四一 庚 六八七 六一辛 三七三六五 一壬二五九五 六一 共征銀 正耗 九百五十二兩七錢一分八厘民國十二年冊籍丁漕田 即各則準熟田 六千七百八十三頃六十七畝一分八厘四絲共應銀七萬七千九百七十兩一錢六厘四毫以每兩二圓五分折合一

上海縣志

卷一

十五萬九千八百三十八圓七角一分八厘共應米四萬七千九百八十二石四斗七升九合以每石五圓折合二十三萬九千九百一十二圓三角九分五厘兩共三十九萬九千七百五十一圓一角一分三厘蘆田一百十頃三畝八分三厘五毫共應銀六百八十一兩五錢八分八厘折合一千三百九十七圓二角五分五厘其學屯兩租并計共銀二千二百八十二兩五錢四分九厘折合四千六百七十九圓二角二分五厘

統計全縣丁漕租課四十萬五千八百二十七圓五角九分三厘內國稅二十六萬五千三百四十八圓八角有奇 米折十四萬三千九百四十七圓四三七銀折十一萬六千九百五十五圓一 省稅六萬八千二百一十六圓有奇 米折四萬七千九百八十二圓三 縣稅二萬一千六百七十八圓八角有奇 米折一萬九千四百九十二圓五二六課 九銀折一萬九千四百九十二圓五二六課 一百七十圓三九七租五百七十圓六三七

米折一萬四千三百九十四圓七四四銀折七千一十七圓三九課六十一圓三四三租二百五圓四二九  
市鄉稅五萬五百八十三圓九角  
有奇 米折三萬三千五百八十七圓七三五銀折一萬六千三百七十  
三圓七二三課一百四十三圓一三四租四百七十九圓三三六

紀年

壬辰元世祖至元二十九年 於華亭縣東境之上海鎮立上海縣與  
華亭同為江浙行省之松江府屬縣

癸巳至元三十年

甲午至元三十一年 縣尹周汝楫視事於舊榷場 改鎮學為縣學

乙未元成宗元貞元年

丙申元貞二年

丁酉大德元年

戊戌大德二年 至元十四年所設之上海鎮市舶司至是併歸四明

上海縣志

卷一

九

乃改司署為縣署

己亥大德三年

庚子大德四年

辛丑大德五年 七月朔大風海溢

壬寅大德六年

癸卯大德七年

甲辰大德八年

乙巳大德九年 旱蝗

丙午大德十年 饑

丁未大德十一年

戊申元武宗至大元年

己酉至大二年

庚戌至大三年 移建縣學於縣署西

辛亥至大四年

壬子元仁宗皇慶元年 八月大風海溢

癸丑皇慶二年

甲寅延祐元年 遷縣學於縣署東復舊址

乙卯延祐二年

丙辰延祐三年 大水

丁巳延祐四年 大饑

戊午延祐五年

己未延祐六年

上海縣志

卷一

十

庚申延祐七年 大旱

辛酉元英宗至治元年 進士榜趙庭芝（元代南人登第自此始）

壬戌至治二年

癸亥至治三年 濬吳松江

甲子元泰定帝泰定元年 進士榜潘達

乙丑泰定二年

丙寅泰定三年 廢松江府并屬嘉興府

丁卯泰定四年

戊辰元文宗天歷元年 復松江府

己巳天歷二年

庚午至順元年 閏七月大水

辛未至順二年

壬申至順三年

癸酉元順帝元統元年

甲戌元統二年 行助役法

乙亥至元元年

丙子至元二年

丁丑至元三年 饑 六月訛言詔選童男女一時嫁娶殆盡

戊寅至元四年

己卯至元五年

庚辰至元六年

辛巳至正元年

上海縣志

卷一

壬午至正二年

癸未至正三年

甲申至正四年 進士榜秦裕伯

乙酉至正五年

丙戌至正六年

丁亥至正七年

戊子至正八年 五月大水

己丑至正九年

庚寅至正十年

辛卯至正十一年

壬辰至正十二年

癸巳至正十三年

甲午至正十四年

乙未至正十五年

丙申至正十六年 張士誠據平江 松江叛兵陷縣治省發苗兵收

復之大焚掠四月士誠將史文炳據松江 是年朱元璋據集慶（行

省治所）稱吳國公

丁酉至正十七年

戊戌至正十八年 朝命士誠為太尉邑人錢鶴皋為行省左丞姚大

章為總兵

己亥至正十九年

庚子至正二十年

上海縣志

卷一

十二

辛丑至正二十一年

壬寅至正二十二年

癸卯至正二十三年

甲辰至正二十四年即朱吳元年 正月吳國公稱吳王改集慶路為

應天府廢江浙行省 吳遣兵攻士誠松江降於吳三月鶴皋起兵

使大章據縣治知縣祝挺走避四月鶴皋破松江殺吳守將吳軍下

松江殺鶴皋挺復縣治殺大章止吳軍東下

乙巳至正二十五年即朱吳二年

丙午至正二十六年即朱吳三年

丁未至正二十七年即朱吳四年

戊申明太祖洪武元年 吳王即帝位定國號曰明

己酉洪武二年 移建神祇壇於南郊 移建社稷壇於西北郊

庚戌洪武三年

辛亥洪武四年

壬子洪武五年

癸丑洪武六年

甲寅洪武七年 建養濟院

乙卯洪武八年 九月大水饑

丙辰洪武九年

丁巳洪武十年

戊午洪武十一年 七月海溢

己未洪武十二年

上海縣志

卷一

十三

庚申洪武十三年

辛酉洪武十四年

壬戌洪武十五年

癸亥洪武十六年

甲子洪武十七年

乙丑洪武十八年 無收

丙寅洪武十九年 無收

丁卯洪武二十年 無收 置南匯守禦所

戊辰洪武二十一年

己巳洪武二十二年

庚午洪武二十三年

辛未洪武二十四年  
壬申洪武二十五年  
癸酉洪武二十六年  
甲戌洪武二十七年 進士榜沈暹  
乙亥洪武二十八年  
丙子洪武二十九年  
丁丑洪武三十年  
戊寅洪武三十一年  
己卯明惠帝建文元年  
庚辰建文二年  
辛巳建文三年

上海縣志

卷一

十四

壬午建文四年  
癸未明成祖永樂元年 饑  
甲申永樂二年 進士榜馮吉劉庸周霖 六月大水饑 戶部尚書  
夏元吉治水蘇松濬縣境范家浜通黃浦達海  
乙酉永樂三年 春大雨六月霪雨十日  
丙戌永樂四年 進士榜沈驥  
丁亥永樂五年  
戊子永樂六年  
己丑永樂七年  
庚寅永樂八年  
辛卯永樂九年

壬辰永樂十年 進士榜黃翰

癸巳永樂十一年

甲午永樂十二年

乙未永樂十三年 進士榜曹衡張衡李昇

丙申永樂十四年

丁酉永樂十五年

戊戌永樂十六年 進士榜楊珙韓著

己亥永樂十七年

庚子永樂十八年

辛丑永樂十九年 進士榜陸徵高敏朱忠

壬寅永樂二十年

上海縣志

卷一

癸卯永樂二十一年

甲辰永樂二十二年 進士榜陳質

乙巳明仁宗洪熙元年

丙午明宣宗宣德元年

丁未宣德二年 進士榜蔣性中

戊申宣德三年

己酉宣德四年

庚戌宣德五年

辛亥宣德六年 建濟農倉

壬子宣德七年 水

癸丑宣德八年 建水次倉於縣東南浦岸

甲寅宣德九年

乙卯宣德十年

丙辰明英宗正統元年

丁巳正統二年

戊午正統三年

己未正統四年 七月大風傷稼

庚申正統五年 水

辛酉正統六年 定應天府曰南京松江府直隸南京

壬戌正統七年

癸亥正統八年

甲子正統九年 七月大風雨海溢 十二月大雪七晝夜

上海縣志

卷一

十六

乙丑正統十年 進士榜金智浦清

丙寅正統十一年

丁卯正統十二年

戊辰正統十三年

己巳正統十四年

庚午明景宗景泰元年

辛未景泰二年 進士榜周輿唐瑜

壬申景泰三年

癸酉景泰四年

甲戌景泰五年 正月大雨雪四旬 夏水 大疫 進士榜李清郁

文博沈舉金純

乙亥景泰六年 連年邑人因輸米振災賜冠帶者十三人

丙子景泰七年

丁丑明英宗天順元年 進士榜宋訥唐珣鍾震談倫李澄

戊寅天順二年 巡撫都御史崔恭大濬浦西水道

己卯天順三年

庚辰天順四年 進士榜王霽王綸

辛巳天順五年 海溢

壬午天順六年

癸未天順七年 進士榜戴春董綸姜浩張謹

甲申天順八年 海溢 饑

乙酉明憲宗成化元年

上海縣志

卷一

十七

丙戌成化二年 饑 進士榜莫諲

丁亥成化三年 連年因輸米振飢詔授承事郎者十一人迪功郎者

二人

戊子成化四年

己丑成化五年 進士榜沈璐金爵喬維翰

庚寅成化六年

辛卯成化七年 秋大風雨海溢

壬辰成化八年 知府白行中築沿海護塘萬七千七百四十八丈

癸巳成化九年

甲午成化十年

乙未成化十一年 進士榜張穀

丙申成化十二年

丁酉成化十三年

戊戌成化十四年 進士榜陳粟周洪

己亥成化十五年

庚子成化十六年

辛丑成化十七年 春夏旱 二月地震 進士榜談詔 七月大風

雨 九月十月陰雨連綿禾稼不登 冬至大雷電雨雪

壬寅成化十八年 饑

癸卯成化十九年

甲辰成化二十年 進士榜姜清黃金金獻民

乙巳成化二十一年

上海縣志

卷一

十八

丙午成化二十二年

丁未成化二十三年 進士榜唐禎張黼

戊申明孝宗弘治元年

己酉弘治二年

庚戌弘治三年 進士榜張天爵

辛亥弘治四年 雨水害稼

壬子弘治五年 雨水害稼

癸丑弘治六年 進士榜趙松王大用

甲寅弘治七年

乙卯弘治八年 五月大疫 饑

丙辰弘治九年 進士榜董忱董恬張鳴鳳沈恩曹閔唐錦

丁巳弘治十年

戊午弘治十一年 六月海溢

己未弘治十二年 進士榜王泰徐南曹豹

庚申弘治十三年

辛酉弘治十四年 十月十四日地震

壬戌弘治十五年 進士榜唐懽張龍郁侃張萱

癸亥弘治十六年 四月大雨雹損麥 夏秋旱

甲子弘治十七年

乙丑弘治十八年 進士榜陸深張鷗陶驥

丙寅明武宗正德元年 大風雨海溢 崇明有變邑人恐

丁卯正德二年

上海縣志

卷一

十九

戊辰正德三年 進士榜張紘張永泰

己巳正德四年 七月雨六晝夜 冬黃浦冰經月不解 饑

庚午正德五年 夏麥多歧穗 五月霪雨 六月大風決田圍低鄉

復饑 疫 十一月水

辛未正德六年 六月大水 進士榜金濂戴恩金皋

壬申正德七年 大旱 七月二十五日大風海水暴漲 冬至日海

上望見列炬聞金革聲空巷走出

癸酉正德八年 饑

甲戌正德九年 進士榜吳稷金皞

乙亥正德十年

丙子正德十一年

丁丑正德十二年 夏大雨殺麥禾 進士榜儲昱朱豹

戊寅正德十三年 夏大雨彌月漂室廬人畜 八月大水

己卯正德十四年 八月大風雨損禾稼 大饑

庚辰正德十五年 進士榜李翔

辛巳正德十六年

壬午明世宗嘉靖元年 七月朔大風自北來二十五日大風雨海溢

開吳松江

癸未嘉靖二年 進士榜趙綸石英中潘恩張國維 八月大水

甲申嘉靖三年 春地震

乙酉嘉靖四年

丙戌嘉靖五年 進士榜張鵠葛桂談愷戴邦正諸傑

上海縣志

卷一

二十一

丁亥嘉靖六年

戊子嘉靖七年

己丑嘉靖八年 七月蝗

庚寅嘉靖九年 夏旱

辛卯嘉靖十年

壬辰嘉靖十一年 進士榜唐國相王教

癸巳嘉靖十二年

甲午嘉靖十三年

乙未嘉靖十四年 進士榜翁燦趙憲奚良輔閔煦

丙申嘉靖十五年

丁酉嘉靖十六年

戊戌嘉靖十七年 進士榜董子儀繆文龍

己亥嘉靖十八年 閏七月海嘯

庚子嘉靖十九年 六月大水七月海溢

辛丑嘉靖二十年 進士榜張鶚翼吳天壽唐志大孫續

壬寅嘉靖二十一年 建萬雲橋於方浜口

癸卯嘉靖二十二年

甲辰嘉靖二十三年 旱

乙巳嘉靖二十四年 大旱

丙午嘉靖二十五年

丁未嘉靖二十六年 進士榜李昭祥龔愷

戊申嘉靖二十七年

上海縣志

卷一

二十一

己酉嘉靖二十八年

庚戌嘉靖二十九年 進士榜董傳策孫應魁沈陽

辛亥嘉靖三十年 地震

壬子嘉靖三十一年

癸丑嘉靖三十二年 二月倭寇陷南匯所軍士李府及其子香力戰

死之 閏三月賊酋簫顯等掠縣境 四月十九日官兵敗於十九

保連賓華橋賊船泊北馬頭登陸焚掠縣治 五月七日賊從祝家

橋驟至恣掠燬糧船 十二日賊船三百餘舸犯邑治統兵官武尚

文宋鼇巷戰死之賊縱火焚縣署而去前鋒丁爵追賊清水窪死之

進士榜屠寬華秉中唐繼祿唐自化俞文榮龔情金深 六月二

十七日賊顯劫城東北黃泥浜糧船浙江鎮撫吳賢死之 冬築城

關門六南曰跨龍西曰儀鳳北曰晏海東北曰寶帶東曰朝宗東南曰朝陽 設海防道以按察司僉事領之 賊顯據南沙 十一月賊劫三林莊

甲寅嘉靖三十三年 正月賊顯入吳淞所官兵敗於黃浦中被奪一舟賊偪東門海防道董邦政嬰城守禦二月解圍縣丞劉東陽躡賊至太平寺死之 三月賊顯據下沙新場賊酋葉麻據周浦 四月賊襲南滙所哨官李黍力戰死之 黍香之弟 六月賊舟自嘉興焚掠閔行

七月官兵討川沙賊 八月官兵討南滙賊

乙卯嘉靖三十四年 邦政擣川沙賊巢監生喬鏗追賊敗之 總督張經至松江官兵大集 二月把總婁宇殲南滙賊 三月邦政擊賊於浦東 四月工部侍郎趙文華至松江 張經會浙兵追賊於

# 上海縣志

卷一

二十二

王江涇五月朔大捷 四日川沙賊劫插港周浦車溝 七月巡撫曹邦輔敗賊於雙溝 九月文華兵敗於陶宅 十月陶宅賊移屯周浦柘林出洋賊還據川沙 十一月周浦賊移屯新場閏十一月二日僉事焦希程游擊曹光新破之

丙辰嘉靖三十五年 三月倭船犯七竈港邦政擊敗之倭船犯南滙參政任環參將婁宇擊敗之 五月朔倭船猝至攻城署縣事劉本學率士民防守十七日城夫楊鈿死之賊解圍去 進士榜趙灼 丁巳嘉靖三十六年 裁海防道設海防同知 同知羅拱辰築沿城箭臺環濠土牆各門敵樓東北要害處高臺層樓 築川沙城

戊午嘉靖三十七年 秋大水饑

己未嘉靖三十八年 海防同知移駐府治 進士榜張仲謙徐卿龍

秦嘉楫金定顧名世

庚申嘉靖三十九年

辛酉嘉靖四十年

壬戌嘉靖四十一年 進士榜潘允端艾可久

癸亥嘉靖四十二年 改建濟農倉於西南城

甲子嘉靖四十三年

乙丑嘉靖四十四年 進士榜徐汝翼喬懋敬潘允哲王圻

丙寅嘉靖四十五年 秋大風雨

丁卯明穆宗隆慶元年 六月大風海溢 大饑 訛言詔選宮女一

時嫁娶殆盡

戊辰隆慶二年 元旦大風晝晦 進士榜喬木蔡汝賢林景暘

# 上海縣志

卷一

二十三

己巳隆慶三年 僉事鄭元韶奉敕丈田均糧 六月朔海溢大風東

南來漂人畜

庚午隆慶四年 巡撫都御史海瑞開吳松江

辛未隆慶五年 進士榜李時英金從洋侯堯封潘伯翀李伯春唐本

堯王文炳

壬申隆慶六年

癸酉明神宗萬歷元年 割西境隸青浦縣

甲戌萬歷二年

乙亥萬歷三年 九月大水

丙子萬歷四年 饑

丁丑萬歷五年 六月寒 霖雨傷稼

戊寅萬歷六年

己卯萬歷七年 大水

庚辰萬歷八年 進士榜張恆

辛巳萬歷九年

壬午萬歷十年 七月十三日大雨海溢 大饑 十月颶風西北來

江舟多覆沒

癸未萬歷十一年 正月朔地震 進士榜俞顯卿

甲申萬歷十二年

乙酉萬歷十三年 於沿海護塘外築備塘九千二百五十丈五尺

丙戌萬歷十四年 冬雨木冰

丁亥萬歷十五年 正月雨木冰 五月至七月霪雨雷颶傷稼

上海縣志

卷一

二十四

戊子萬歷十六年 春大旱 大疫 五月大水 七月大風 大饑

莠民嘯聚多劫奪殺傷詔用重典

己丑萬歷十七年 正月雨木冰如箸 大饑 進士榜董其昌李叔

春朱正色陳所蘊 五月至七月不雨 海溢 六月十八日雪邑

人出粟振飢三百石以上彙題建坊者十人二百石以下官旌免役

者不計數

庚寅萬歷十八年

辛卯萬歷十九年 六月大水七月海溢大雨城門晝閉 十月雷電

晦夕大震

壬辰萬歷二十年 進士榜朱家法李尙袞

癸巳萬歷二十一年

甲午萬歷二十二年

乙未萬歷二十三年

正月天鼓鳴地震

進士榜夏景華杜士全李

中立戴士林

丙申萬歷二十四年

丁酉萬歷二十五年

戊戌萬歷二十六年

進士榜劉嘉猷姚永濟

己亥萬歷二十七年

庚子萬歷二十八年

辛丑萬歷二十九年

進士榜張所望

壬寅萬歷三十年

癸卯萬歷三十一年

上海縣志

卷一

二十五

甲辰萬歷三十二年

進士榜徐光啓黃體仁

乙巳萬歷三十三年

丙午萬歷三十四年

丁未萬歷三十五年

進士榜楊萬里李時榮張肇林喬拱璧陳舜道

戊申萬歷三十六年

大水大饑

己酉萬歷三十七年

饑

庚戌萬歷三十八年

進士榜陸燧喬時敏潘大儒朱國盛侯震暘

辛亥萬歷三十九年

壬子萬歷四十年

癸丑萬歷四十一年

進士榜王庭梅朱本洽董羽宸喬時英

甲寅萬歷四十二年

乙卯萬曆四十三年

丙辰萬曆四十四年 龍華港口之百步橋易石工竣 進士榜許譽

卿杜喬林徐百朋王陞

丁巳萬曆四十五年

戊午萬曆四十六年

己未萬曆四十七年 進士榜葉有聲董象恆張泰階潘雲會范文若

趙東曦李逢申

庚申明光宗泰昌元年

辛酉明熹宗天啓元年

壬戌天啓二年 進士榜張元玘朱長世何萬化謝秉謙聶慎行

癸亥天啓三年 三月地震 十二月地震

# 上海縣志

## 卷一

二十六

甲子天啓四年

乙丑天啓五年

丙寅天啓六年

丁卯天啓七年

戊辰明思宗崇禎元年 進士榜陳正中張元始

己巳崇禎二年 饑 官紳捐振

庚午崇禎三年

辛未崇禎四年 進士榜徐天麟杜麟徵

壬申崇禎五年 旱 大饑

癸酉崇禎六年

甲戌崇禎七年 進士榜朱永佑楊枝起翁元益

乙亥崇禎八年

丙子崇禎九年 六月大旱 十二月黃浦冰

丁丑崇禎十年 進士榜包爾庚袁定

戊寅崇禎十一年

己卯崇禎十二年

庚辰崇禎十三年 大饑 進士榜吳永孚顧其言周汝誼瞿騫

辛巳崇禎十四年 夏大旱蝗紳民捐振

壬午崇禎十五年

癸未崇禎十六年 進士榜李待問沈泓

甲申崇禎十七年 六月有奴弒主者家奴結隊焚劫官派兵擒剿

是年三月流賊陷京師崇禎帝殉國五月福王即帝位於南京改元

上海縣志

卷一

二十七

弘光 十月清帝入京師改元順治

乙酉弘光元年即清世祖順治二年 五月清兵定南京改南直隸為

江南布政司應天府為江甯府 閏六月八日清兵入屯吳淞府縣

官去職府照磨陶渙署縣事 七月六日邑民潘復殺陶渙 八月

三日清兵破松江 二十五日清兵破縣城潘復遁 九月周浦諸

生孔思起兵攻川沙不克死之

丙戌順治三年 四月五竈盜掠川沙周浦知縣孫鵬移兵平之

丁亥順治四年 春靈雨無麥 進士榜曹垂璨諸舜發

戊子順治五年 四月大風雨冰雹 江南提督始駐松江

己丑順治六年 進士榜許纘曾袁國梓朱紹鳳

庚寅順治七年 饑

辛卯順治八年 大水

壬辰順治九年 進士榜施維翰李延渠 大旱 移建水次倉於小南門內

癸巳順治十年 署提督王燦駐兵城東九月海寇至燦退保城中寇掠閔行滿載出海十五日巡撫周國治統兵至十二月海寇復入犯提督張天祿出戰其長子死焉

甲午順治十一年 海口立木椿浦中巨鐵練以禦寇船 六月大風雨海溢 七月三日寇至東溝挽椿練以去 二十六日寇掠高橋高行洋涇東溝 八月寇船進浦而南天祿駐城東遣兵救閔行巷戰退之 十二月三日黃浦冰

乙未順治十二年 設黃浦營參將 二月地震 進士榜張錫懌陸

上海縣志

卷一

二十八

鳴珂王日藻潘堯彩

丙申順治十三年 八月訛傳選女一時嫁娶殆盡 九月地震 十月地震

丁酉順治十四年

戊戌順治十五年 進士榜徐士吉朱錦 八月大風雨 地震

己亥順治十六年 五月海警提督馬逢知統兵至吳淞知縣陸宗贄 集民夫登陴

庚子順治十七年

辛丑順治十八年 調崇明水師副總兵移駐 夏大旱 分江南省為左右兩布政司松江府屬於右布政司 進士榜喬夢蛟趙子瞻 葉映榴袁璿董含王又泮

壬寅清聖祖康熙元年

癸卯康熙二年 大疫

甲辰康熙三年 七月颶風浦水大溢八月大風雨海溢

乙巳康熙四年 夏大雨 七月大旱颶風大作

丙午康熙五年 黃浦營裁參將改設游擊 工部差員勘定蘆課

丁未康熙六年 改江南右布政司為江蘇布政司治蘇州

戊申康熙七年 撤回崇明水師 六月十七日地震有聲

己酉康熙八年

庚戌康熙九年 黃浦營裁游擊改設守備 四月大水五月霖雨六

月大風雨海溢 西南城濟農倉廢基開墾升科

辛亥康熙十年 大旱饑官紳捐振

上海縣志

卷一

二十九

壬子康熙十一年 七月蝗西北來不食稻半月後南去 初建吳淞

江石牐

癸丑康熙十二年

甲寅康熙十三年 布政慕天顏奏定均田均役法

乙卯康熙十四年 復調崇明水師副總兵移駐 復建吳淞江石牐

丙辰康熙十五年 進士榜張啓祚彭開祜張集 撤回崇明水師

冬大雪

丁巳康熙十六年 元日夜半雷震達旦大雨雪 四月大旱疫

戊午康熙十七年 六月七日亢旱水竭

己未康熙十八年 進士榜朱廷獻金甫 大旱 八月十日螟蝗食

蘆二日而去禾稻無恙二麥蠶豆無收

庚申康熙十九年 三月官紳捐辦春振蓋廠南門外旅溪堂 五月大水浦溢 麥大熟 八月三日驟雨潮漲

辛酉康熙二十年

壬戌康熙二十一年 三月海寇入犯劫糧艘二官兵追逐守備司起龍死之 進士榜金然

癸亥康熙二十二年 建常平倉於縣署 十一月黃浦冰旬餘始釋 十二月朔復寒八日熱雷電暴雨

甲子康熙二十三年

乙丑康熙二十四年 設海關 榷關使者駐滄闕

丙寅康熙二十五年

丁卯康熙二十六年 榷關使者移駐縣治 改東北城都憲行臺爲

# 上海縣志

卷一

三十

榷署 七月大風雨傷稼破牆屋覆舟

戊辰康熙二十七年 歲饑

己巳康熙二十八年

庚午康熙二十九年

辛未康熙三十年 進士榜戴有祺

壬申康熙三十一年

癸酉康熙三十二年 六月大旱 九月大風雨雹 冬黃浦冰

甲戌康熙三十三年

乙亥康熙三十四年

丙子康熙三十五年 六月朔颶風大雨夜半海溢 七月二十二日

大風雨

丁丑康熙三十六年 進士榜周彝

戊寅康熙三十七年

己卯康熙三十八年

庚辰康熙三十九年 進士榜顧維訥張翮 七月暴風三晝夜

辛巳康熙四十年

壬午康熙四十一年 亭橋南張氏婦一產三男二尋夭

癸未康熙四十二年 進士榜歸鴻

甲申康熙四十三年 四月靈雨

乙酉康熙四十四年 夏旱 秋大水 饑官紳募辦平糶

丙戌康熙四十五年 進士榜王鎬

丁亥康熙四十六年 夏亢旱水竭 七月地震

上海縣志

卷一

三十一

戊子康熙四十七年 正月至五月大雨 秋大水禾棉無收 設粥

廠南門外振饑

己丑康熙四十八年 進士榜張書紳劉念椿

庚寅康熙四十九年 民建育嬰堂

辛卯康熙五十年

壬辰康熙五十一年

癸巳康熙五十二年 進士榜蔡嵩秦忠淑

甲午康熙五十三年

乙未康熙五十四年 進士榜凌如煥徐學柄 水 饑

丙申康熙五十五年

丁酉康熙五十六年

戊戌康熙五十七年 進士榜張鉞

己亥康熙五十八年 江南提標右營游擊自府城移駐縣治並轄黃浦營

庚子康熙五十九年 建提右營署於西南城海防道署舊址

辛丑康熙六十年 旱 饑

壬寅康熙六十一年 罷榷關使者以巡撫管海關

癸卯清世宗雍正元年 冬進士榜徐甯朱鑑張兆昌

甲辰雍正二年 秋進士榜程班朱良裘馬嚴 冬署游擊盛天福以浦江漁人網得玉璽送提督進呈賞銀緞

乙巳雍正三年 巡撫委蘇松道管海關

丙午雍正四年 割東南境置南匯縣 饑 建先農壇於北郊

# 上海縣志

卷一

三十二

丁未雍正五年 進士榜葉滋葉承 十一月開濬吳淞江

戊申雍正六年 三月二十九日知府周中鉉查勘吳淞大壩工程督夫下埽舟沒水死廷旨贈太僕卿士民建祠於陳家渡口

己酉雍正七年

庚戌雍正八年 進士榜曹一士 蘇松巡道移駐上海加兵備衛  
十月地震

辛亥雍正九年 建道署於城之東南隅

壬子雍正十年 七月大風雨海溢 官紳捐資撈埋并施粥

癸丑雍正十一年 大疫 大水 饑

甲寅雍正十二年

乙卯雍正十三年 沿海螿螟嚙麥豆棉稻 移建吳淞石插於金家

灣〔東距舊插三里〕

丙辰清高宗乾隆元年 改兵備道分巡蘇松太 進士榜凌應龍  
 丁巳乾隆二年 金家灣新插工竣 進士榜喬光烈黃槐凌應蘭  
 戊午乾隆三年 八月大風雨海溢  
 己未乾隆四年  
 庚申乾隆五年  
 辛酉乾隆六年  
 壬戌乾隆七年 進士榜張端木 裁黃浦營  
 癸亥乾隆八年  
 甲子乾隆九年  
 乙丑乾隆十年 建同善堂

上海縣志

卷一

三十三

丙寅乾隆十一年  
 丁卯乾隆十二年 正月雨木冰 七月大風海溢 官民煮粥振飢  
 戊辰乾隆十三年 建申江書院於縣署北官地 進士榜鈕思恪  
 己巳乾隆十四年 大疫  
 庚午乾隆十五年  
 辛未乾隆十六年  
 壬申乾隆十七年  
 癸酉乾隆十八年 二十三保民築沿浦土塘三千三百三十丈  
 甲戌乾隆十九年 進士榜徐秉哲  
 乙亥乾隆二十年 大水 大饑 官紳捐振  
 丙子乾隆二十一年 春猶饑 夏大疫

丁丑乾隆二十二年 進士榜曹錫寶

戊寅乾隆二十三年

己卯乾隆二十四年

庚辰乾隆二十五年 重修申江書院改名敬業 分江蘇為兩布政

司巡撫駐蘇州總督駐江甯並為省會松江府屬於蘇州布政司

辛巳乾隆二十六年 進士榜趙傳紀陸錫熊

壬午乾隆二十七年 夏亢旱 七月大水 十月雷雨雹

癸未乾隆二十八年 進士榜薛鼎銘喬鍾吳

甲申乾隆二十九年 浦東二十二保民築沿浦土塘二千九百二丈

乙酉乾隆三十年

丙戌乾隆三十一年 改兵備道分巡松太

# 上海縣志

卷一

三十四

丁亥乾隆三十二年 變售東北城榷使廢署

戊子乾隆三十三年

己丑乾隆三十四年 進士榜汪佑煌

庚寅乾隆三十五年

辛卯乾隆三十六年 進士榜徐長發

壬辰乾隆三十七年 進士榜施潤

癸巳乾隆三十八年

甲午乾隆三十九年

乙未乾隆四十年

丙申乾隆四十一年

丁酉乾隆四十二年 二十四保民築沿浦土塘二千四百丈

戊戌乾隆四十三年

己亥乾隆四十四年

庚子乾隆四十五年

辛丑乾隆四十六年 夏大旱 六月大風雨海溢 稔 巡道盛保

贖回東北城榷署廢基建公館

壬寅乾隆四十七年

癸卯乾隆四十八年 重建百步橋工竣

甲辰乾隆四十九年 夏霪雨 秋大疫

乙巳乾隆五十年 夏大旱

丙午乾隆五十一年

丁未乾隆五十二年 進士榜徐慰祖

上海縣志

卷一

三十五

戊申乾隆五十三年

己酉乾隆五十四年 進士榜張位中

庚戌乾隆五十五年 四月五日大雨雹損麥

辛亥乾隆五十六年 稔

壬子乾隆五十七年 冬暖 十二月二十七日雷鳴

癸丑乾隆五十八年

甲寅乾隆五十九年 七月大風雨海溢八月大雨十晝夜 大稔

乙卯乾隆六十年 饑 邑士出粟施粥

丙辰清仁宗嘉慶元年 進士榜李松林

丁巳嘉慶二年

戊午嘉慶三年

己未嘉慶四年 七月大風雨海溢

庚申嘉慶五年

辛酉嘉慶六年

壬戌嘉慶七年

癸亥嘉慶八年

甲子嘉慶九年 建同仁堂於藥局街

乙丑嘉慶十年 秋大雨海溢

丙寅嘉慶十一年

丁卯嘉慶十二年

戊辰嘉慶十三年 兵備道仍分巡蘇松太 進士榜趙維熊

己巳嘉慶十四年 冬黃浦冰

# 上海縣志

卷一

三十六

庚午嘉慶十五年 割東境瀕海者隸川沙廳

辛未嘉慶十六年

壬申嘉慶十七年 養濟院燬

癸酉嘉慶十八年

甲戌嘉慶十九年 進士榜趙棠 大旱 三月至七月不雨邑人出

粟振飢

乙亥嘉慶二十年

丙子嘉慶二十一年

丁丑嘉慶二十二年 進士榜張惇訓趙柄趙榮

戊寅嘉慶二十三年 秋旱

己卯嘉慶二十四年

庚辰嘉慶二十五年 秋大疫

辛巳清宣宗道光元年 兵備道龔麗正築西城箭臺 夏大疫

壬午道光二年 五月十七日大風自西來有物蜒蟪大雷雨毀學宮  
魁閣漂商船

癸未道光三年 二月至五月大雨七月九月又大雨 大饑 邑人  
捐振並收育嬰孩

甲申道光四年  
乙酉道光五年 本省冬漕試行海運共裝沙蛋各船一千五百六  
十二號

丙戌道光六年 建黃道婆祠於西南城半段涇

丁亥道光七年

# 上海縣志

卷一

三十七

戊子道光八年

己丑道光九年 進士榜曹榮

庚寅道光十年

辛卯道光十一年

壬辰道光十二年 進士榜曹樹奎

癸巳道光十三年 邑紳士設局採訪節孝貞烈婦女得千四百十四  
人彙冊題旌 夏秋靈雨棉歉稻不登 饑 官民辦振兼贍外來

飢民並收養遺孩千七百餘口明年各歸其家

甲午道光十四年 建燦珠書院

乙未道光十五年 歲稔

丙申道光十六年 育嬰堂歸同仁堂兼管

丁酉道光十七年

戊戌道光十八年 除日熱大雷電以雨

己亥道光十九年 正月朔雷三日大雪冰凍經旬

庚子道光二十年 六月提督陳化成統兵駐吳淞口巡撫裕謙總督牛鑑先後駐縣

辛丑道光二十一年

壬寅道光二十二年 調兵集防 三月西城積穀倉火藥轟發震十餘里死傷數十人 五月西洋英吉利兵艦逼吳淞口牛鑑守東礮臺陳化成守西礮臺初八日牛鑑遁吳淞口失守陳化成死之十一日敵兵水陸並進水兵過閔行陸兵入北門典史楊慶恩死之十五日敵兵退 秋和議成縣為通商五口之一 提右營內河水師游

上海縣志

卷一

三十八

擊升為參將加副將銜

癸卯道光二十三年 四月設松江府海防同知駐上海 設西洋商船盤驗所於洋涇浜北

甲辰道光二十四年 十月建同知署於西城 二十夜微雷有電二十三日地震

乙巳道光二十五年 進士榜曹驊 大雨雹 六月地震

丙午道光二十六年 建新關於城北浦岸司西洋商船稅務撤盤驗所 六月十四日地大震十月五日又震 劃英國租界於洋涇浜北岸

丁未道光二十七年 江浙兩省冬漕續行海運 六月十三日地震

戊申道光二十八年 六月二十日大風雨潮溢二十三日晨大雷雨

忽西北風有雪 棉九月始花 饑 灑掃局定採訪旌例規條

劃美國租界於吳淞北岸並劃定南岸爲英國租界

己酉道光二十九年 夏大雨五十餘日 六月七月地震 秋冬

大疫 大饑 邑民集捐二十餘萬按口給錢米並設廠留養又收

育遺孩二千餘口 劃法國租界於洋涇浜南岸

庚戌道光三十年 十二月二十四保陳裕堂妻一產三男二不育

辛亥清文宗咸豐元年 正月十七夜地震 三月地震 六月霖雨

見雪

壬子咸豐二年 十一月地震

癸丑咸豐三年 二月粵匪陷江甯 三月六日夜地大震連日屢震

七月八日洪姓婦一產三男後均餓死圍城中 七月二十四日

## 上海縣志

卷一

三十九

颶風大作 八月亂民陷青浦又陷嘉定 五日閩廣會匪陷縣城

知縣袁祖惠守備李大鈞死之十日匪陷南滙又陷川沙 巡撫許

乃釗統兵剿匪令主事劉存厚統撫勇進攻二十日復青浦二十三

日南滙復二十五日川沙復二十六日復嘉定二十七日海防同知

署知府藍蔚雯統兵船泊龍華 九月存厚與乃釗會師駐新閘按

察使吉爾杭阿駐靜安寺是謂北營蔚雯駐小木橋李恆嵩統防剿

局勝勇駐盧家灣是謂南營 十一月七日河水沸 十八日己革

知府謝繼超入城招降被害

甲寅咸豐四年 正月開地道用火藥轟城 九日西城轟發崩四五

丈 四月官軍與西商訂 二十九日小南門轟發 六月乃釗罷

吉爾杭阿代之 二十九日小南門轟發副將清長冒火進死之

九月北營斷賊餉道 十月十六日河水湧 十一月五日黃浦水  
沸 七日地大震 十八日浙江同知胡枚登北城燒積善寺賊巢  
深入援絕死之 十二月地震三十日存厚攻小南門地轟復發  
是年英法美三國租界始合設工務局

乙卯咸豐五年 正月朔匪首劉麗川潛遁官兵擒斬之於小牯橋是  
夜南營客將暨李恆嵩等入城搜斬賊目縱火焚廬舍 三日巡撫  
入奏陳善後十事 清釐田糧重造圖冊 署同知吳煦移署於東  
北城舊榷署其舊署改關廟 同仁堂易名爲同仁輔元堂 秋改  
建縣學於西城營署基

丙辰咸豐六年 夏大旱蝗自北來收捕至數百斛 九月霪雨

丁巳咸豐七年 春有蝗 七月大風雨潮溢 八月陰雨禾棉多損

## 上海縣志

卷一

四十

蝗集西南鄉傷晚禾

戊午咸豐八年 新關設稅務司正副各西人一 民建果育堂於淘  
沙場 商辦輪船捕盜改爲官辦

己未咸豐九年 六月四日夜有雪 是月城鄉人民多被掠賣出洋  
兵備道行文三國領事查究七月呂宋國舟上放還百五十餘人每  
人索還買價五十圓

庚申咸豐十年 閏三月粵匪自江甯東竄 四月陷蘇州省城 五  
月陷嘉定陷青浦 知縣劉郇膏勸辦團練 兵備道吳煦以美國  
廢將華爾統中西勇 十三日松江府城陷 巡撫薛煥駐縣吳煦  
兼署布政使 二十七日華爾會官軍攻克松江復府城 西鄉聚  
義民擊賊六月十四日西援七寶拒退青浦竄賊十六日北援南翔

至江橋爲嘉定竄賊所敗 二十四日西鄉義民防堵野雞墩 二十六日賊復陷松江東竄閔行中渡橋義民擊退之 是月於晏海寶帶兩門間闢便門聯絡西兵防守 三十日西鄉義民援七寶 七月朔追賊於吳楊浜敗潰死傷無算賊沿途焚掠至陳涇廟辦團諸生陳垣弼死之 二日賊衝散盧家灣駐營外委陳鳳彩周定邦死之三日賊薄城攻西南隅巡撫暨司道廳縣登城守禦賊連日攻撲並焚掠城東六日城上礮傷賊酋李秀成七日圍始解 八日郇膏至西鄉安撫 八月設團練總局於城中 九月團練大臣龐鍾璐駐縣按察使湯雲松副之 十月設各鄉團練局十九處 四日諸翟局勇襲黃渡賊巡撫撥勇防諸翟 十二月四日嘉青賊襲諸翟文生陳常監生張士英等二百餘人及新涇局委員章堂皆陣亡

六日各局赴援郇膏亦至賊聞風先遁七日郇膏回城十日各局收隊十一日巡撫發兵駐諸翟

辛酉咸豐十一年 二月二日各局援七寶三日援新涇四日虹橋局勇敗賊於野雞墩北岸六日虹橋新涇法華各局勇援江橋七日渡江追剿是晚收隊 四月八日郇膏至諸翟祭去臘陣亡義民 十五日虹橋局於野奴涇東新壘祭旗演礮 五月十日撤駐防諸翟之參將梁安邦勇 十二日賊衝駐防諸翟之參將梁勝章營中礮而退 郇膏調漕河涇局勇三百駐小菜廟 十三日虹橋新涇局勇赴華漕野雞墩防江橋竄賊虹橋局勇又援朱方橋十五日接仗獲勝十七日收隊 十四日雲松郇膏至諸翟追殺竄賊十七日勝章與漕河涇局勇擊敗竄賊迫至黃渡 二十三日嘉青踞賊大股

來犯 二十四日江境廟局勇在野雞墩接仗統帶曹承恩等十七人陣亡郇膏至野雞墩 二十五日虹橋局勇在新涇接仗局勇金桂芳陣亡新涇局被焚燬郇膏至新涇 二十六日雲松駐兵法華 二十七日巡撫撥勝勇五百駐北新涇 二十八日諸翟各防營被圍 二十九日賊退 六月十六日北新涇勝勇移回諸翟 七月郇膏令新涇江橋局勇撈淺吳松并築壘以遏賊衝虹橋漕河涇局勇助之八月工竣 浙賊犯浦南 二十四日郇膏渡浦帶浦東各局勇禦賊於奉賢縣之南橋爲駐防南橋之馮營所劫賴救得免 二十五日賊退郇膏回縣 九月四日賊圍諸翟營梁勝章自南橋馳歸突圍入守八日賊焚燬七寶民團局赴援之漕河涇局統帶沈月峯陣亡 二十二日嘉青賊竄野雞墩郇膏赴北新涇防禦

二十四日團練大臣派勇援北新涇敗潰於福居寺 二十五日虹橋局勇渡中新涇擊賊奮勇蔡炳丁行和陣亡 是夜華漕營被圍中營參將李恆嵩帶洋鎗隊由松江至賊驚潰北渡多溺死 二十六日賊退各局收隊 十一月二十日駐諸翟之十八營調防縣城及洋涇 十二月浙賊竄浦南 十七日奉賢陷 十八日南滙陷 十九日川沙陷 二十四日賊逼白蓮涇口巡撫調海舶架礮守禦 二十五日諸翟大營退紮張官渡 二十七二十八二十九凡三日大雪 劃定法國租界東盡浦岸 壬戌清穆宗同治元年 正月朔華爾以洋槍隊五百人大破賊數萬於府城外迎喜濱奏上賜號常勝軍 賊酋李秀成踞王家寺青嘉賊屯插北川南賊駐高橋 十六日郇膏統民團渡浦剿賊至洋涇

遇伏守備張祥琪軍功趙景賢監生沈斌趙金祥皆陣亡 二十三  
日西兵攻克高橋 設會防局於城北時巡撫以江浙紳士之請  
奏准會商英比二國合兵剿賊二月王家寺賊犯虹橋逼礮壘九  
日十二日迭次攻撲十四日大隊突至十五日步騎繼進礮壘不守  
局勇潰散西鄉團局至是盡毀 賊犯顛橋馬橋局勇擊却之 是  
月欽差大臣兩江總督曾國藩奏派道員李鴻章來縣剿賊三月吳  
煦督會防局具舟迎師鴻章率參將程學啟滕嗣武千總劉銘傳同  
知潘鼎新等統皖楚兵萬人自皖航江海抵縣駐城南 四月三日  
復嘉定 十四日復青浦 十五日鴻章署巡撫 十九日復南橋  
二十一日復柘林 二十三日復奉賢 二十八日嘉定復陷  
五月三日復南匯 四日復川沙 六日學啟敗賊於虹橋漕河涇

七日奉賢柘林復陷 十一日再復奉賢柘林 十三日青浦復  
陷 二十一日賊大股犯新橋及法華徐家滙學啟被圍鴻章馳救  
大破之 六月二十一日復金山衛城自是浦東無賊蹤 七月十  
五日再復青浦 十九日賊酋譚紹洸大股薄縣城署提督黃翼升  
統水軍至擊走賊移犯新涇法華相持旬日 八月三日鴻章會諸  
軍大破之復毀其吳淞北岸七營 九月朔再復嘉定 譚賊大舉  
東犯十七日鴻章敗之於四江口南岸十九日又敗之於北岸二十  
二日又集諸軍逼賊營大破之自是淞滬無賊蹤 是年設釐捐總  
局於縣治 兵備道募壯丁編爲衛隊 江海新關設河泊所以英  
國水師官司之 遷敬業書院於舊學基 建同仁保安堂於老閘  
鎮 法租界退出公共工部局自組市政府

癸亥同治二年 置善產同仁輔元堂田三十九頃弱育嬰堂田十五頃強建倉房於華亭縣之後岡鎮 十月巡撫統水陸各軍進攻蘇州克之省城復 是年英美兩國租界改爲各國公共

甲子同治三年 四月裁遣常勝軍 六月江甯復本省肅清 英法會防兵駐城者以次撤退

乙丑同治四年 十二月撤會防局

丙寅同治五年 於北城便門添築月城敵樓名其門曰障川 同善堂歸併於同仁輔元堂 重修學宮舉釋奠禮樂 英商創築鐵路於吳淞江北

丁卯同治六年 建普育堂於半段涇 建江南機器製造局於城南浦岸 兵備道應寶時建龍門書院於西南城

## 上海縣志

卷一

四十四

戊辰同治七年 進士榜劉至喜 總理各國事務衙門與英國公使議訂洋涇浜設官會審章程 設修志局於也是園 詳辦積穀 移建社稷壇於西郊肇嘉浜北 改提標內河右營爲提標裏河右營

己巳同治八年 灑掃局冊報歷年採訪節孝貞烈婦女九百三十三人詳題旌表 重建縣署常平倉

庚午同治九年 建滬北仁濟堂於西新橋北

辛未同治十年 進士榜周晉堃李曾珂 建清節堂於半段涇善產田二十頃建倉房於嘉定縣之方泰鎮 丹麥商設大北電報公司 壬申同治十一年 西南鄉士民建吳會書院於馬橋鎮 設輪船招商局於城東北浦岸

癸酉同治十二年 建同仁輔元分堂於城西北 冬漕海運分裝商輪

甲戌同治十三年 續備滬軍親兵營駐北門內分防城廂內外 建放生局於陸家浜南 建法華積穀倉 四明公所因法租界馬路侵入塚地集衆抵抗

乙亥清德宗光緒元年 駐閔行之浙西鹽捕左營原有五哨改哨爲營 中西紳商建格致書院於租界 建閔行積穀倉 八月四日大風雨海溢

丙子光緒二年 兵備道馮焄光建求志書院於東南城倉基 秋訛傳邪術翦人髮辮又紙人作崇比戶夜驚鳴鉦 英商淞北鐵路延長達吳淞口

## 上海縣志

卷一

四十五

丁丑光緒三年 秋有蝗歲祲 九月總督沈葆楨收買淞北鐵路拆毀之

戊寅光緒四年 樂珠書院附設孝廉課 張煥綸創正蒙書院於梅溪上

己卯光緒五年 建滬北棲流公所於新聞南 定同仁輔元堂果育堂普育堂輪年管理積穀

庚辰光緒六年 撫標滬軍營駐南門外分防浦東西各處 十月官辦電綫由天津達上海

辛巳光緒七年 製造局設礮隊兩營舊營分駐本局附近新營分防東西北三路 閏七月四日大風雨海溢 設電報局於城北浦岸與大北訂立合同

壬午光緒八年 三月電報改歸商辦

癸未光緒九年 建積穀倉於馬家廠 七月大風雨潮溢 電報總

局收買大北吳淞口陸路電綫 建出使行轅於鐵大橋北 建同

善粥廠於新閘橋北

甲申光緒十年 撫標親兵新中營駐閔行備陸防 江浙巡防新中

營駐閔行築營壘 法越戰事起海防喫緊知縣黎光旦奉文舉辦

民團

乙酉光緒十一年 兵備道邵友濂以正蒙書院改建梅溪書院 建

清節堂於城西半段涇 灑掃局冊報節孝貞烈婦女百四十一人

始由縣學會銜逕詳撫院題旌并定三年彙上之議

丙戌光緒十二年

# 上海縣志

卷一

四十六

丁亥光緒十三年 閔行陸防營改水師

戊子光緒十四年

己丑光緒十五年 進士榜楊德鏞 建萬壽宮於曹氏半涇園故址

七月大疫

庚寅光緒十六年 進士榜王全綱王慶平張堅

辛卯光緒十七年

壬辰光緒十八年 夏秋大旱饑 十二月大雪黃浦冰 引翔港周

建侯妻一產三男

癸巳光緒十九年

甲午光緒二十年 進士榜孫文詒 日本內犯海口戒嚴 知縣黃

承暄奉文舉辦民團

乙未光緒二十一年 正月二十二日地大震 進士榜秦錫圭 秋大疫

丙申光緒二十二年 閔行江浙巡防營他調 建奎星閣於學宮巽方 東南鄉士民建三林書院於三林鎮 十月奏准復築淞北鐵路

丁酉光緒二十三年 開辦郵政附設於新關

戊戌光緒二十四年 展放各國公共租界於虹口以東 七月三日夜半雷擊龍華火藥船 電報收歸國有 四明公所因法租界又議塚地築路罷市罷工總督派臬使查辦各國領事和解之

己亥光緒二十五年 建公共租界會審公廨於北浙江路 輪電兩局建南洋公學於法華鎮南

## 上海縣志

卷一

四十七

庚子光緒二十六年 三月十日巳時晝晦 夏因北方拳亂各國兵

艦進泊浦江 江浙冬漕全歸輪運時沙船已不滿五十號 展

放各國公共租界於周涇以西又展放法國租界

辛丑光緒二十七年 鎮海葉氏建澄衷學堂於虹口 定舊有海關

曰江海常關新關曰江海關常關在通商口岸五十里內者歸稅務司管轄

壬寅光緒二十八年 冬各國兵艦撤回 改吳會書院爲強恕學堂

三林書院爲三林學堂

癸卯光緒二十九年 進士榜朱壽朋 夏大疫 八月滬甯鐵路開辦設總管理處於上海

甲辰光緒三十年 改龍門書院爲師範學校 邑紳曾鑄以美虐華

工倡議抵制全國響應不用美貨 旅紳創設萬國紅十字會

乙巳光緒三十一年 敬業書院停止課試改辦官立小學堂 燦珠書院停止課試改辦師範傳習所 原駐城西南之督標奇兵右營改編爲巡防十一十二三十四步隊分防浦東北境及引翔城西等處 原駐南市之太湖水師第五營移駐閔行沿浦 八月三日海溢漂沒無算 十月開合邑學務公會於明倫堂 設城廂內外總工程局於城東浦岸

丙午光緒三十二年 五月十四日大風 奏設江蘇鐵路公司十一月滬嘉路開工 改萬國紅十字會爲中國紅十字會 十二月部辦南市電話

丁未光緒三十三年 改巡防步隊爲淞滬巡防營原有十三十四兩

## 上海縣志

卷一

四十八

隊編爲第五營駐浦東塘工局分防上寶各處 四月上海勸學所成立 七月郵政總局自江海關遷於北京路 東城省園王氏建南洋中學於外日暉橋 浦東楊斯盛建浦東中學校於六里橋南 戊申光緒三十四年 三月滬甯路工竣 建浦東塘工善後局於東溝口 建貧兒院於斜橋南 西鄉朱馮氏一產三男母子俱殞 己酉清宣統元年 正月兵備道蔡乃煌蒞總工程局主議以規銀一百二十五萬兩向粵商收回水廠 於西城關尚文門拱辰門於東北城關福佑門 建上海醫院於城東南積穀公地 北城蘇氏募建民立中學堂於城南神祇壇基 四月滬嘉路工竣設總站於城南 十月江蘇諮議局成立於江甯開會出席者謝源深姚文枏秦錫田朱開甲穆湘瑤姚被舉常駐員 十一月二十七日地大震

租界始行駛電車 是年奉文遵旨籌辦地方自治議定城自治一鎮自治二鄉自治十有二各於十二月上旬舉行議員之選舉  
庚戌宣統二年 正月改總工程局爲城自治公所 三月諮議局臨時會出席者如前 建孤兒院於龍華東 七月撤厘捐總局 八月南市黃浦設水上巡警 九月建警鐘樓於東南城倉基并建救火聯合會 諮議局常會出席者謝源深姚文枏秦錫田朱開甲顧言姚任財政審查長宣三預算審查總長

辛亥宣統三年 二月諮議局臨時會出席者如前 六月舉行縣議員之選舉 是歲革命事起八月十九日發難於武昌立中華民國軍政府稱黃帝四千六百九年 九月長沙九江西安民軍並起警報疊至全埠震動城自治公所議會董會連日密籌應變機宜保安

## 上海縣志

### 卷一

四十九

方略七日董會議決警備五案 十一日商團二十餘起會員二千餘人大會於九畝地行檢閱禮任兵科舉人李顯謨爲司令聯合救火會員編配分防地段 十二日晚革命駐滬黨人陳其美出席於城自治會議 十三日午後聞北巡警變動兵備道避入租界 日晡民軍攻製造局不克其美被獲 夜分民軍入城焚道署大堂文武官出走

惟教諭守祭器典  
史守監獄候交代

十四日昧爽民軍以道署衛隊及滬軍營

再攻製造局商團一部分助之救出其美局官出走 晨城自治總董李鍾珏蒞縣署接收民政斬謀財害命罪惡衆著之獄囚三 十四日杭州民軍起 貴州民軍起 十五日蘇州民軍起巡撫程德全被舉爲蘇軍都督 十六日其美被舉爲滬軍都督 十七日滬軍府任伍廷芳爲外交總長李鍾珏爲民政總長兼製造局長沈懋

昭爲財政總長 十八日民政總長任吳馨爲縣民政長黃慶瀾爲縣司法長莫錫綸爲市長顧履桂爲副市長改城自治公所爲市政廳 七十八十九等日廣西安徽廣東福建等省民軍並起 滬軍府任李顯謨爲滬防水陸全軍統領 二十一日鎮江民軍起海軍各艦附之 二十二日江陰炮臺受製造局協餉表示同一之行動 二十五日滬軍出發攻甯 二十六日浙軍由滬出發攻甯 二十七日製造局籌款發給海軍駐滬各艦之九月分餉銀是日製造局開始運送攻甯軍火 十月一日蘇軍府召集諮議局議員開臨時省議會於蘇州出席者如前姚任財政審查長兼代審議長秦任學務審查長 二日蘇軍都督出發攻甯 五日蘇浙滬鎮各軍會師攻甯 製造局拆卸吳淞口炮臺大炮二於十日十一日兩次

夜車運甯 十二日甯垣下總督提督將軍均出走 蘇軍都督入甯垣改稱江蘇都督組甯省政府 程都督自甯蒞滬移書稱病武進莊蘊寬代督 甯政府用莊代督名義由司長代行 臨時省議會議決官制廢道府廳 州上海爲江蘇六十縣之一 南北議和 清廷代表唐紹儀民軍代表伍庭芳會議於公共租界市政廳 十一月各省軍府代表會議於甯垣 十三日孫文自外洋歸國由滬抵甯各省代表會議舉爲中華民國臨時大總統

壬子中華民國元年孫大總統就職下令改用陽曆以黃帝四千六百九年十一月十三日爲中華民國元年一月一日 定五色旗爲國旗 二日清廷撤回唐紹儀由其內閣總理袁世凱直接與民軍代表電商和議 置駐滬通商交涉使 省頒暫行市鄉制廢除城鎮

名稱 二十八日各省臨時省議會推出代表所組之臨時參議院成立於南京垣即寧 二月十二日即宣統三年十二月二十五日清皇帝下詔退位 十三日孫大總統咨參議院辭職並薦袁世凱繼任 十五日參議院舉袁世凱爲臨時大總統 二十日舉黎元洪爲臨時副總統 三月十日公布臨時約法 十一日袁在北京受臨時大總統之任 四月一日孫在南京解臨時大總統之任以黃興爲南京留守 二十八日臨時參議會遷至北京 五月黃興電請銷職 六月八日公布國旗商旗暨海陸軍旗式 七日舉行縣市鄉議員之選舉 陳都督辭職滬軍府取銷 八月公布國會組織法 縣議會成立於尙文門內 縣參事會成立於縣公署 十一月置江海關監督 十二月十日依法舉行國會之衆議院議員

## 上海縣志

### 卷一

五十一

初選舉並舉行江蘇省議會議員之初選舉

癸丑中華民國二年一月縣民政長改稱縣知事 十日衆議院議員

及省議會議員之覆選舉皆於蘇州舉行 二月省議會成立於南

京垣即寧 出席者黃申錫顧鏡清沈周秦錫田 三月省議會依法選舉

國會參議院議員 二十一日盜殺前農林總長宋教仁於閘北滬

甯車站 二十四日租界破獲殺宋凶犯 四月四日內閣總理唐

紹儀與駐京各國公使簽訂濬浦局暫行章程 八日兩院議員舉

行國會開會儀式於北京出席者參院秦錫圭曹汝霖衆院姚文枬

是日巴西國承認中華民國 二十六日參議院成立 二十八

日衆議院成立 五月美國墨西哥國祕魯國均承認中華民國

八日宋案凶犯由租界引渡 駐滬通商交涉使改稱外交部特派

江蘇交涉員仍駐滬 黨人以發見政府有殺宋嫌疑譁起討袁  
二十八日暴徒犯製造局廠 七月六日海軍中將鄭汝成率第四  
師陸軍步隊三營由塘沽航海抵滬駐守局廠稱海軍警衛隊第一  
第二第三營 十二日贛省討袁軍起宣布獨立 十五日黃興入  
甯垣稱江蘇討袁軍總司令脅都督程德全省長應德閔通電各縣  
宣布獨立 十六日縣商會集議保安方略 十七日程都督應省  
長離甯來滬縣知事吳馨淞滬警察廳長穆湘瑤同時辭職 縣商  
會縣教育會商團公會救火聯合會集議合組上海保衛團於市政  
廳舉李鍾珏爲團長 十八日陳其美設駐滬討袁軍總司令部於  
南市 中國紅十字會暨滬城分會各組救護隊預備出發 李團  
長就任並先接收警務 駐滬領事團阻陸軍部派隊二千人於吳

淞口外 松軍八百人至滬佔龍華火藥廠 十九日李團長謁鄭  
中將於製造局 二十日陳司令調鎮軍及駐甯福字軍先後到滬  
淞口被阻之軍隊繞由川沙登陸渡浦 下午李團長偕地方各  
公團邀鄭中將陳司令在高昌廟水廠三面磋商息戰無結果 二  
十一日晚各公團集議趕辦書面推舉代表分投籲息 二十二日  
夜半戰事起黨軍猛攻局廠開砲擊退之南市城廂居戶逃避一空  
電燈機水暨公私建築多受砲火損壞 二十三日晨李團長以保  
衛失效走避警務失統馭崗巡寥落 福字軍鎗殺出防商團二人  
於路商團停止出防 夜半黨軍再猛攻局廠再擊退之其美遁司  
令部潰散 二十四二十五兩日縣議長莫錫綸市總董陸文麓函  
鄭中將並電中央陳告兵災慘狀籲請維持 二十六日程都督應

省長奉中央電令在滬組織行署鄭中將奉中央電令任爲上海鎮守使 二十七日穆警廳長回任 二十八日吳知事回任 二十九日黃興遁程督電告取銷獨立 八月六日鄭鎮守使奉令任爲上海警備地域司令官 十四日鄭鎮守使奉令兼督理製造局薩鎮冰督辦淞滬水警 九月中央兵入甯垣免程督任張勳免應長任韓國鈞 十月國會議員組憲法會議議決關於選舉總統之一部份四日公佈又組選舉總統會六日選出大總統袁世凱七日選出副總統黎元洪 日斯巴尼亞等十三國承認中華民國 十日大總統於北京副總統於武昌同時就職 十一月四日下令解散國民黨 國會因議員被認爲亂黨而摘取徽章追繳證書者四百餘人不能成會 十二日任張勳長江巡閱使馮國璋江蘇都督

甲寅中華民國三年一月明令停止國會兩院議員職務 二月電令各省停辦地方自治 鄭使奉文派員接收市政廳改爲工巡捐局 交涉員兼任上海觀察使 三月歐戰起 五月一日中央公布增修約法 六日設修志局於縣議會會所 六月上海觀察使改稱滬海道尹轄松太海門等十二縣上海爲十二縣之首 八月二十三日修志局遷於也是園

乙卯中華民國四年八月北京發現籌安會提議政體問題 十月奉文選舉代表每縣一人赴省投票表決政體問題 十一月十日盜殺鄭鎮守使於租界途中汽車內 陸軍第四師長楊善德奉電令由松江鎮守使調駐上海改稱淞滬護軍使仍駐製造局廠以盧永祥爲副使駐吳淞取銷鎮守使 建築縣公署於亭橋路營署基

十二月五日海軍肇和艦發炮擊製造局廠旋罷 十一日宣布全國表決政體之結果主張君主立憲戴大總統爲皇帝 二十五日雲南起義討袁 三十一日令明年改元洪憲  
丙辰洪憲元年三月二十一日廢止洪憲年號仍稱中華民國五年五月建築地方審檢兩廳於西南郊 十八日盜殺陳其美於租界寓所 六月六日袁大總統薨於位 七日黎副總統就大總統任 八月一日國會開會出席者如前 九月國會開憲法會議 十月一日省議會回復開會出席者秦錫田沈周黃申錫顧鏡清 國會開選舉總統會三十日選出副總統馮國璋  
丁巳中華民國六年一月楊善德督浙盧永祥任淞滬護軍使取消副使 三月十四日中央宣布對德絕交 六月督軍團由天津入京

## 上海縣志

卷一

五十四

十二日明令解散國會兩院 張勳擁兵入京七月一日以清帝復辟黎大總統遜位 三日段祺瑞在馬廠起兵討逆 六日馮副總統在甯就代理大總統任 十二日討逆軍入京張勳遁 十三日馮代總統由甯到京 八月任李純江蘇督軍 十四日中央對德奧兩國宣戰 二十五日兩院議員開非常會議於廣州出席者秦錫圭劉欽謨 十月中央召集臨時參議院 十一月十日臨時參議院開會於北京

戊午中華民國七年一月三十一日撤修志局 二月中央公布修正兩院議員選舉法 舉行衆議員之選舉 八月續修縣志出版 十二日新國會開會於北京 十月十日省議會第二次改選出席者黃申錫 新國會舉徐世昌爲大總統

已未中華民國八年二月南北議和北代表朱啓鈞南代表唐紹儀會議於租界之舊德總會 五月和議無效代表罷歸 六月南北市工商罷業電中央要求釋被捕學生並黜賣國者得請乃已 八月盧永祥督浙薦何豐林任淞滬護軍使

庚申中華民國九年 五月在法租界之全國學生會暨勞動團體婦女團體均被封閉 七月十日以蘇滬交惡特別戒嚴 十月李純自戕齊燮元督蘇

辛酉中華民國十年一月廣州非常會議舉孫文爲大總統

壬戌中華民國十一年五月兩院議員設第一屆國會繼續開會籌備處於天津 六月二日徐大總統辭職離京 十一日黎大總統入京復職 八月國會繼續開會出席者秦錫圭姚文枬 十月一日

## 上海縣志

卷一

五十五

省議會第三次改選出席者黃申錫穆湘瑤 十二月國會續開憲法會議

癸亥中華民國十二年一月設修志局於也是園 六月奉文回復地方自治 縣議會開會 中央賄選事起十三日黎大總統被迫離京 七月國會議員南下者集會於西南郊湖北會館出席者姚文枬秦錫圭 十月國會議員留京者公布憲法全部選舉曹錕爲大總統 移滬國會兩院議員凌鴻壽等宣言聲討賄選 何豐林通電聲討賄選 離京國會議員褚輔成等四百八十三人通電聲討賄選

甲子中華民國十三年 北京政府令各省區改選衆議員 廣州組織建國政府推孫文爲總統定青天白日滿地紅爲國旗 三月清

丈局成立 五月三十一日承認蘇聯政府 八月二十二日邑廟大殿災損失十五萬元 八月二十九日江浙戰事緊急英美法日致警牒於外交部 九月三日江浙兩軍於滬甯路安亭站接觸 閔行輪船被封乘客三百餘人盡迫登陸 直奉交戰直軍敗曹錕去職段祺瑞爲臨時執政 九月二十五日西湖雷峯塔坍塌廢 十月十三日盧永祥何豐林亡日本江浙戰事終止 十月十七日北京蘇浙議員通電主張裁撤淞滬護軍使遷移兵工廠以弭戰禍 司法總長章士釗令法院檢舉賄選案賄選議員均逃避

乙丑中華民國十四年 一月外兵及商團警備租界 三月孫文卒 五月三十日西捕鎗殺學生是爲五卅慘案 廣州國民政府成立 蔣中正攻克惠州陳炯明退閩 北京政府召集關稅特別會議

## 上海縣志

卷一

五十六

議

丙寅中華民國十五年 四月十四日納稅西人會議決工部局中添置華董三人 執政府解散國務總理顏惠慶在北京組攝政內閣 五月四日淞滬商埠督辦公署成立 蔣中正就國民軍總司令職 吳佩孚遣散國會議員 國民政府由廣州遷武漢

丁卯中華民國十六年 一月一日收回公共租界會審公廨改組臨時法院 三月 日國民軍至上海 國民政府定都南京 南京中央政治會議定八月一日實行關稅自主同時裁撤釐卡 第八屆遠東運動會在上海開幕 六月三十日特別市土地局接收清丈局 七月七日上海特別市政府成立接收市公所

戊辰中華民國十七年 中央政治會議通過設立中華民國建設委

員會 郵政總局發表全國人口共四億八千五百萬餘 國府委員議決廢兩用元統一幣制 六月一日租界內各公園開放 七月一日劃上海市閘北市蒲淞市洋涇市引翔鄉法華鄉漕河涇鄉高行鄉陸行鄉塘橋鄉楊思鄉爲上海特別市區域閔行鄉顛橋鄉北橋鄉馬橋鄉曹行鄉塘灣鄉三林鄉陳行鄉爲上海縣區域

